



Universitätsbibliothek Paderborn

Concilia Galliæ Narbonensis

Baluze, Etienne

Parisiis, 1668

XXX. Vrbani Papæ IV. epistola ad Guidonem Archiepiscopum
Narbonensem, ne diutiùs pertinax sit in recusando Cardinalatus honore.
Ex dupli codice MS. uno regio, & altero nostro.

urn:nbn:de:hbz:466:1-14646

me. Dominos Arnaudum & Petrum Archiepiscopos
Narbonenses, dictus venerabilis Pater Dominus
Guido Episcopus sanctæ Narbonensis Ecclesiæ ele-
ctus protestationem hujusmodi non recipiens nec
acceptans, protestatus fuit quod pleno jure suo &
Narbonensis Ecclesiæ pure ac simpliciter homagium
recipiebat & debitæ fidelitatis juramentum. Acta
fuerunt hæc anno quo supra & die in Ecclesia beato-
rum martyrum Justi & Pastoris, in præsentia &
testimoniis prædictorum testium, & mei Petri Gran-
dis publici Biterris Notarij, qui hæc scripsi, & si-
gnum meum apposui.

XXX.

Vrbani Papæ IV. epistola ad Guidonem
Archiepiscopum Narbonensem, ne diu-
tius pertinax sit in recusando Cardina-
latus honore.

*Ex duplice codice MS. uno regio,
& altero nostro.*

PROFOUNDIS meditationibus laboriosisque vige-
liis urgens Ecclesiæ generalis non dissi nulanda
necessitas nos & fratres nostros reddit anxiis in ac-
quirendis viris secundum cor nostrum idoneis ad
Cardinalatus præminentiam assumendis. Opus
enim est, cum de talibus agitur, curam assiduam,
sollicitam operam, & vigile studium adhiberi, ut
insigniendi tantæ titulo dignitatis, habeantur de-
votionis immensitate præfulgidi, consilij maturitate
conspicui, discretionis honestate decori, magnani-
mitate sublimes, & virtutibus præcellentes. In cardi-
ne quidem præminentis apostolatus divina provi-

dentia tales voluit confedere ministros, eosque tam
ti prærogativa sublimavit honoris, ut tanquam mem-
bra in unum corpus convenientia Summo Pontifici
velut proprio capiti deservirent, & existentes ejus-
dem Ecclesiæ columnæ præcipuae, ipsius onera sup-
portarent. Inter alios autem quos omnipotens ad
gerendum tantum officium utiles nostrum & co-
rundem fratrum consilium honorari decrevit, ad
personam tuam specialiter mentis nostræ converti-
mus aciem, & pensatis omnibus quæ pensari erga
tam ardui qualitatem negotij debuerunt, te in Epis-
copum Sabinensem duximus eligendum. Tu vero
prætendens quod Ecclesiæ ac provinciæ Narbonensi
necessarius habebaris, quodque in illis partibus erga
curam animarum gratum Deo sacrificium immolare,
ac volens in ea vocatione in qua vocatus fueras a
Domino remanere, tuis etiam diebus cupiens indul-
gere quieti, ab onere Cardinalatus eximi postulasti.
Profecto fatemur quod existens ubilibet per opera
utilia & exempla laudabilia fructuosus, ædificas
utiliter ad salutem, & ex data prudentia tibi divini-
tus scis & potes fructus laudabiles in domo Domini
germinare. Talia namque nos potissimum induxerunt
ut te in partem sollicitudinis apostolicæ vocaremus;
ut quantum majorem in hac parte laborem assumens,
 tanto tibi apud Deum potiora premissa compares.
Intendentes igitur commoda publica præferre priva-
tis, & nolentes quod prætextu Narbonensis Eccle-
siæ, sedis apostolicæ, quæ omnium Ecclesiarum caput
est & magistra, derogetur honori, supplicationibus
tuis non duximus annuendum. Ceterum ne ulte-
rius similis excusationis materiam prosequaris,
quinimmo beneplacitis apostolicis tua vota confor-
mes, fraternitati tuæ in virtute obedientiæ præcipien-
do mandamus quatenus omnibus prætermisis infra-

festum ad præsentiam nostram festinus
accedas, impositum tibi onus ad laudem divini no-
minis ejusdem generalis Ecclesiæ suscepturnus.

Vide epistolam Urbani IV. ad Ludovicum IX.
Francorum Regem, quæ edita est à Raynaldo ad
m 1262. §. 45.

XXXI.

Urbani Papæ IV. epistolæ ad Guidonem
Episcopum Sabinensem, sedis apostolice
Legatum in Angliam destinatum,

Ex archivo Archiepiscopi Narbonensis.

VRBANUS Episcopus servus servorum Dei,
venerabili fratri Guidoni Episcopo Sabinensi,
apostolicæ sedis Legato, salutem & apostolicam be-
nictionem. Cùm te ad partes Angliæ, tibi commis-
so inibi ac in Vvallia & Hibernia plenæ legationis
officio, pro ingenti & arduo negotio duxerimus de-
stinandum, quia in desideriis nostris geritur ut sub-
motis impedimentis quibuslibet hujusmodi nego-
tium felicem consequatur effectum, convocandi
ad tuam præsentiam Principes ac Ecclesiarum Præ-
latos & alios quoscunque fideles quorumlibet regno-
rum & provinciarum, quandocunque promotioni
dicti negotij videris expedire, ac injungendi quæ
utilia ipsi negotio fore videris, ac invocandi eo-
rum auxilium contra quascunque personas ecclesia-
sticas ac seculares tuæ legationis & alias adhæren-
tes eisdem quæ tibi non paruerint vel te impedi-

I iii